

sains

SEPERTI ramai sedia maklum, hutan merupakan pembekal oksigen, mengekalkan suhu, kawasan tadahan air dan sumber kepelbagaian biologi. Namun hutan itu ibarat sebuah kekayaan yang ramai ingin mengaut keuntungan daripadanya.

Keperluan mengekalkan dan memulihara hutan dijelaskan dalam siri I minggu lepas dan pembaca dibawa menghayati petikan lagu Ebiet G. Ade bertajuk *Berita Kepada Kawan* kerana ia menyindir kita sebagai manusia yang rakuerosakan alam sekitar.

Namun bagi pemimpin Sasterawan Negara Usman Awang, pastinya pernah menghayati sajak yang agak sinikal bertajuk *Balada Terbujuhnya Beringin Tua Di Pinggir Sebuah Bandaraya*:

Tiba-tiba pagi yang hitam itu datang gergasi teknologi menyerangnya dengan kejam membenamkan gigi-gigi besi sehingga terdengarlah jeritan ngeri suara Beringin rebah ke bumi.

Sampai sekarang, tiap senjakal lembayung petang dengarlah suara Beringin mengucapkan pesan:

Selamat tinggal, selamat tinggal wahai awan
Selamat tinggal matari selamat tinggal bulan

Selamat tinggal kupu-kupu sayang
Selamat tinggal wahai burung bersarang

Selamat tinggal anak-anak bermain riang.
Namaku beringin pohon tua yang terbuang dimusuhui oleh rancangan bernama pembangunan

Itu harga yang harus dibayar atas nama pembangunan. Menurut Ketua Pengarah Jabatan Perhutanan Semenanjung Malaysia (JPSM), Datuk Seri Dr. Abd. Rahman Abd. Rahim, hutan yang ada kini bukan lagi untuk mengeluarkan hasil kayu semata-mata.

Katanya, hutan juga sebagai kawasan tadahan air kini dilihat amat penting terutamanya negeri-negeri tertentu

Pembalakan dihentikan?

Kemusnahan wajar diganti setara dengan nilai kerosakan yang dilakukan



LAPORAN khas Legasi Hutan Lestari sempena Hari Hutan Antarabangsa 2016 pada 21 Mac lalu pada minggu lepas membincangkan mengenai perlunya kita memelihara khazanah sumber semula jadi ini kerana perannya dalam memastikan kesejahteraan alam sekitar. Pada siri kedua dan terakhir ini,

Laporan KHAS
Mega

banyak pihak berpendapat mengekalkan kelestarian hutan bukan bermaksud kita menghalang pembangunan tetapi ada usaha yang perlu dilakukan termasuk mengenakan cukai kepada pihak yang mengambil manfaat daripadanya. Iktu laporan siri kedua ini bersama wartawan LAUPA JUNUS dan ASHRIQ FAHMY AHMAD



ABD. RAHMAN
ABD. RAHIM

yang sering mengalami krisis gangguan bekalan air terutamanya ketika musim kering.

"Pembukaan kawasan hutan secara berleluasa pastinya akan menjelaskan kawasan tadahan air ini."

"Kini negara banyak bergantung kepada kawasan tadahan air yang terdapat di dalam kawasan hutan simpan kekal yang telah di gazetkan. Jelasnya, hutan mampu menyerap air hujan dan menyimpannya di dalam akar dan sarap hutan sebelum dialirkan secara perlahan-lahan ke dalam sungai."

Fungsi hutan tidak lebih seperti span yang menyerap dan menyimpan air dan

biarpun ketika musim kering, air yang disimpan kawasan hutan akan dialirkan sedikit demi sedikit.

Justeru, pembukaan kawasan hutan secara berleluasa adalah tidak digalakkan terutamanya di kawasan tadahan air semula jadi terutamanya di luar kawasan hutan simpan kekal yang tidak diuruskan oleh JPSM.

Tambah Dr. Abd. Rahman, bagi memastikan kelestarian hutan, sebarang aktiviti penerokaan dan pembalakan perlu diminimumkan.

Beliau amat menyokong jika aktiviti pembalakan sama ada di dalam maupun di luar kawasan hutan simpan kekal yang dihentikan.

"Perkara ini memang saya sokong sepenuhnya, malah menjadi hasrat JPSM sendiri namun kita memerlukan mekanisma dalam melaksanakannya," katanya.

Selain itu katanya, penguatkuasaan juga-perlu dipertingkatkan oleh semua pihak dan bukan JPSM semata-mata bagi membanteras aktiviti penerokaan hutan dan pembalakan haram.

JPSM kini hanya mempunyai 300 pegawai penguatkuasaan yang ditempatkan di seluruh negara dan kekuatan anggota sedemikian tidak mampu untuk melindungi seluruh hutan yang ada.

"Kami memerlukan pertambahan anggota dan kelengkapan yang sesuai bagi menangani sebarang ancaman ketika bertugas termasuklah penggunaan senjata api."

"Contoh penggunaan senjata api ini bukanlah untuk sewenang-wenangnya menembak orang sebaliknya sebagai perlindungan dan peningkatan keyakinan kepada anggota yang bertugas," katanya.

Jelas Dr. Abd. Rahman masyarakat perlu menjadi mata dan telinga JPSM dalam melindungi hutan kerana tugas melindungi khazanah negara tersebut tidak hanya terletak di bahu JPSM semata-mata.



KEROSAKAN hutan akibat aktiviti manusia boleh mendatangkan masalah alam sekitar yang serius.
- GAMBAR HIASAN

Kawal kemusnahan hutan

D ALAM pada itu menurut Dekan Fakulti Perhutanan, Universiti Putra Malaysia (UPM), Prof. Dr. Mohamed Zakaria Hussin, kehadiran hutan bukanlah pencegah kejadian banjir secara total. Jelasnya, memang benar dahulu ketika hutan masih tebal dan banyak kejadian banjir turut berlaku, namun impaknya tidak seterusnya pada masa kini.

"Secara logiknya semua orang tahu bahawa penerokaan tanah atau hutan dilakukan secara berleluasa tanpa had akan memberi kesan negatif kepada persekitarannya."

"Bayangkan, dari mana datangnya lumpur tebal yang bukan sahaja menyebabkan sungai menjadi ceteck malah merosakkan bangunan, rumah serta menutupi hampir keseluruhan kawasan yang ditenggelami banjir?"

"Tidakkah lumpur ini datang dari kawasan tanah yang diteroka, apabila kejadian hujan lebat, tanah yang terdedah akan terhakis dan dibawa arus air ke dalam sungai seterusnya terjadinya banjir lumpur," katanya.

Tambahnya, sungai yang dahulunya dalam menjadi ceteck akibat mendapan lalu tidak lagi mampu menampung jumlah air yang banyak ketika tiba musim tengkujuh akhirnya melimpah menjadi banjir.

Kebanyakan negara-negara maju mula mengoptimalkan penggunaan tanah dan kawasan hijau dengan membuka lebih banyak ladang-ladang hutan di atas tanah yang terbari.

"Jika kita masih mengutamakan wang berbanding segala-galanya (alam sekitar), tidak mustahil suatu hari nanti tiada apa lagi yang tersisa untuk anak cucu di kemudian hari," katanya.

Pembalakan haram, pembukaan tanah secara berleluasa untuk tujuan perdagangan dan pembangunan sama ada secara halal mahupun haram memberi impak yang negatif kepada alam sekitar.

"Saya suka mengambil contoh apa yang berlaku di luar negara seperti Korea apabila negara mereka kehilangan hutan akibat perpeperangan."


"Rakyat Korea amat sedar akan kepentingan hutan lalu mengambil inisiatif sendiri dengan menanam semula hutan di sekitar kediaman mereka terutamanya di kawasan luar bandar tanpa mengharapkan sebarang bantuan daripada kerajaan mereka."

"Apabila hutan di tebang, kawasan akan terbuang sekali gus mendahakannya kepada matahari, secara logiknya masihkah suhu akan kedai dingin?" katanya.

Begitu juga dengan dunia, jelasnya tanpa kawasan hijau suhu kawasan sekitarnya akan meningkat, kelembapan berkurnag seterusnya menjadikan kawasan tersebut kering kontang.

Hutan merupakan kawasan takungan air seperti span dan akan mengalirkannya secara perlahan-lahan tanpa putus menerusi anak sungai, sungai lebih besar dan seterusnya ke empangan dalam jangka masa yang agak lama.

"Apabila berlaku bencana usah salah alam, sebaliknya salahal diri sendiri kerana tidak bertindak memeliharanya sebaik mungkin," katanya.



JPSM menguruskan 12 fungsi hutan yang utama:

- Hutan pengeluaran kayu di bawah perolehan berkekalan.
- Hutan perlindungan tanah.
- Hutan lipur.
- Hutan bagi maksud-maksud persekuatan.
- Hutan tebus-guna tanah.
- Hutan penyelidikan.
- Hutan pelajaran.
- Hutan kawalan banjir.
- Hutan simpanan hutan dara.
- Hutan untuk taman negeri.
- Hutan tadahan air.
- Hutan perlindungan hidupan liar.